

## Angallatini ilitsersuisumit aqutsisuuffigineqartuni inuttat pillugit aalajangersaaneq pillugu nalunaarut

Umiarsuarni inuttat pillugit inatsimmi § 4, imm. 2, § 18, imm. 2, aamma § 27, imm. 3, tak. inatsimmut nalunaarut nr. 74, 17. januar 2014-imeersoq, aamma umiarsuarni inuttat pillugit inatsisip Kalaallit Nunaannut atuutilersinneqarnissaa pillugu peqqussummi nr. 608, 25. juni 2001-im § 4, imm. 2, § 18, imm. 2, aamma § 27, imm. 2 malillugit, aalajangersarneqarpoq:

### *Atuuffia il.il.*

§ 1. Nalunaarummi angallammi ataatsimi arlalinniluunniit minnerni, umiartornermi inuttat aalajangersarneqarput, tassunga ilagitillugit umiatsiaaqqat, qajariat, paddle aamma surfboardsini il. il.

*Imm. 2.* Nalunaarummi angallammi ataatsimi imaluunniit angallatini arlalinni inuussutissarsiornermut atatillugu, taakku umiartorneranni ilitsersuisunit aqutsisuuffigineqartuni, ilitsersuisunut piumasaqaatit aamma aalajangersarneqarput, tassunga ilagitillugit:

- 1) umiatsiaaqqani, qajariani, paddle- aamma surfboardsini il.il. umiartornermi, aamma
- 2) angallatinik taamaattunik atuinermi, assersuutigalugu sammisassani taamaattuni atuartut peqataaffigisaanik atuartitsinermut atatillugu.

### *Angallatit ilitsersuisumit aqutsisuuffigineqartut*

§ 2. Angallat ataaseq imaluunniit arlallit inuussutissarsiornermut atatillugu ilitsersuisunit aqutsisuuffigineqarlutik umiartorpata, taassuma isumannaallisaanikkut aamma peqqissutsikkut pissutsit akisussaaffigai, ataani nassuiarneqartut.

*Imm. 2.* Ilitsersuisoq 18-ileereersimassaaq, angallammut pineqartumut annertuumik aamma pisariaqartinneqartumik umiartornermut misilittagaqassalluni, aamma:

- 1) Attuumassuteqartillugu pisariaqartumik makkua ilisimasaqarfigissavai:
  - a) Imaani aqqutinut malittarisassat,
  - b) Umiartorfimmi attuumassuteqartumi umiarsuarmik aqutsisinnaaneq,
- c) Ikuallattoornissamut pitsaaliuineq aamma ikuallattoqarpat innermik qamitsinermut atortussaani atuisinnaaneq,
  - d) Annanniutit aamma taakkua atorsinnaanerit,
  - e) Angallatit orrajaassusaat.
  - f) Imaani isumannaallisaaneq.
  - g) Imaani avatangiisinik illersuineq.
  - h) Angallatit minnerit maskiinaat.
- 2) Radiolerisutut uppernarsaammik allagartaqassaaq atuuttumik, angallammi atortunut naleqquttumik.
- 3) Ikiueqqaarnermut pikkorissarsimaneq Dansk Førstehjælpsrådip angallatini minnerni aamma imaani timersornermi imaluunniit assingusuni suliassaqaqarfimut ilinniagaqartitsinera<sup>1</sup> naapertorlugu.

*Imm. 3.* Imm. 1-imi aalajangersarneqarsimasumik sammisamik aallartisaanermut akisussaasoq, umiarsuaatileqatigiiffittut isumannaallisaanermut ilitsersuut allatorneqarsimasooq malillugu sammisassap

---

<sup>1</sup> Dansk Førstehjælpsrådip nittartagaani allaaserinnineq nassaarineqarsinnaavoq.

ingerlanneqarnissaanut akisusaaffeqarpoq, angallatit minnerit 12-inik ilaasoqartartut pillugit nalunaarut atuuttoq malillugu, tassani angallavigisaat aamma angallatit pineqartut eqqarsaatigalugit angallammi pineqartumi imaluunniit angallanitini pineqartuni ilitsersuisumut inuttanullu piumasaqaatinik pisariaqartinneqartunik naleqquttunillu aalajangersaasoqarpoq.

*Angallatit umiartornermut ilinniarfittut atorneqartartut*

§ 3. Angallatit, umiartornermut ilinniarfittut atorneqaraangata, inuk ataaseq imaluunniit arlallit angallammiitillutik angallatip pineqartup assingatut ittumik umiartornermut misilitsinneqarnissami angusinnisaq siunertaralugu attuumassutilinnik ilinniartinneqaraangata, umiartornermi aamma suliaassanik allanik isumannaallisaanikkut peqqissutsikkullu illersorneqarsinnaasumik suliaqarsinnaalersillugit, tamanna ilitsersuisumit aqutsisuuffigineqassaaq.

*Imm. 2.* Sammisassanik aallartitsinissamut akisussaasoq allassimasumik isumannaallisaanermut ilitsersuummmik suliaqartoqarnissaanut akisussaasuvoq, tassani ilitsersuisup, ilitsersuinerup qaffasissusaanut atatillugu piginnaasai aamma piukkunnaatai aalajangersarneqassapput.

*Pillaatissat aamma atuutilersitsineq*

§ 4. Inuk § 2-mik aamma § 3-mik unioqquitsisoq akiligassinneqarluni pillarneqassaaq.

*Imm. 2.* Ingerlatseqatigiiffiit il. il. (inatsisitigut pisinnaatitaasut pisussaatitaasullu) Kalaallit Nunaanni pinerluttulerinermi inatsimmi kapitali 5-imi malittarisassat malillugit pillaatissanut akisussaatinneqarsinnaapput.

§ 5. Pisoq umiarsuarni inuttat pillugit inatsisip Kalaallit Nunaanni atuutilersinneqarnissaa pillugu peqqussummut ilaatinneqarpat, taava Kalaallit Nunaanni pinerluttulerinermi inatsit malillugu pineqaatissiisoqarsinnaavoq.

*Imm. 2.* Ingerlatseqatigiiffiit il. il. (inatsisitigut pisinnaatitaasut pisussaatitaasullu) unioqquitsisimappata, inatsisitigut pisinnaatitaasutut pisussaatitaasutullu akiligassinneqarlutik akisussaatinneqarsinnaapput. Nalagaaffik, Namminersorlutik Oqartussat, kommuni, kommunalbestyrelsi imaluunniit nunaqarfinni aqutsisut unioqquitsisimappat/-pata, pisortat oqartussa qarfiat pineqartoq akiligassinneqarluni akisussaatinneqarsinnaavoq.

*Imm. 3.* Pineqartoq Kalaallit Nunaanni najugaqanngippat imaluunniit pineqartoq inuiaqatigiinnut kalaallinut attuumassuteqarnera annikitsuinnaappat, Kalaallillu Nunaanni pinerluttulerinermi inatsimmi pineqaatissiisutissat atornissaannut tunngavissaqanngippat, suliaq Danmarkimi suliaassanngortinneqarsinnaavoq imaluunniit malersugassanngorlugu innersuusutigineqarsinnaalluni, tak. Kalaallit Nunaanni pinerluttulerinermi inatsimmi § 7.

[§ 6. Nalunaarut atuutilissaaq ulloq 1. januar 2025.]

*[Søfartsstyrelseni, ulloq xx. xxxx 2024*

*Atsiortoq*

*Atsiortoq 2]*